

NAQQITAQ

Siunnersuut 15. aggustimeersaq matuminnga taarserneqarpoq
(Inatsisitigut oqaaseqaatit ilanngunneqarput kalaallisuuvalu naleqqussarneqarluni)

Uunga siunnersuut:

**Takornariartitsinermik ingerlatsineq, sumiiffinni nunami aalajangersimasuni zone-nut
agguaasarneq il.il. inuussutissarsiutigalugu ingerlatsinermi aammalu killeqartumik sumiiffiit
ilaanni angalaarsinnaaneq pillugit Inatsisartut inatsisaat**

Kapitali 1

Atorneqarfia aamma suussusilersuinermik nassuiaatit

§ 1. Inatsisartut inatsisaat atuuffeqarpoq takornariartitsinermik ingerlatsinermut.

Imm. 2. Inatsisartullu inatsisaat ilanngullugu atortinneqarpoq angalaarnernut uningaartarnernullu sumiiffinni immikkut toqqakkanut, kiisalu taakkunani inuussutissarsiornermik ingerlatsinernut.

Imm. 3. Inatsisartut inatsisaat atortinneqanngilaq takornariartitsinermut akuersissutit naapertorlugit ingerlatsinernut Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat naapertorlugu ingerlatsinerusartuni.

Imm. 4. Inatsisartut inatsisaat atortinneqanngilaq inunnut imaluunniit inatsisitigut pisinnaatitaasunut Kalaallit Nunaannut imaluunniit Kalaallit Nunaannit, Kalaallit Nunaataluunniit iluani inunnik angallassisartunut, tassunga atatillugu takornariartitsinermik ingerlatsinngitsunut, taamaattoq tak. § 15.

Imm. 5. Naalakkersuisut malittarisassiorsinnaapput inuussutissarsiutit sammivii immikkut aalajangersimasut inatsimmi matumani ilaatinneqanngitsut pillugit.

§ 2. Takornariartitsinermik ingerlatsinertut Inatsisartut inatsisaanni matumani paasineqassapput aningaasarsiornermik ingerlatsinerit aamma ingerlatsineq, siunertaqartut kiffartuussinernik neqerooruteqarnissanik Kalaallit Nunaanni misigisassarsiornerit takornariartunut aamma neqeroorutaasunut imaattutut:

- 1) Ulluinnarluni unnuinertaqanngitsunik angalaarnertut, aamma
- 2) Angalaarnerit ullunik arlaqartunik sivilissusillit.

Imm. 2. Takornariartitsinermik ingerlatsinertut Inatsisartut inatsisaat manna naapertorlugu paasineqassaaq inuk imaluunniit inatsisitigut pisinnaatitaasoq § 3, imm. 1 tunngavigalugu takornariartitsinermik ingerlatsinissamut akuersissummik atuuttumik pigisalik .

Imm. 3. Takornariartutut paasineqassaaq Inatsisartut inatsisaat manna naapertorlugu inuk, angalasoq inuup taassuma nalinginnaasumik najortagaata najugaqarfigisaataluunniit avataani, angalaneq tamarmiusoq taassumaluunniit ilaa aliikkutassarsiorluni, qasuersaarluni imaluunniit sulingiffeqarnermik tunngaveqartillugu, tamatumunngalu atatillugu imm. 1 naapertorlugu kiffartuunneqartartoq.

Kapitali 2

Takornariartitsinermik ingerlatsisinnaanermut akuersissut

§ 3. Atuuttumik akuersissutilik kisimi takornariartitsinermik ingerlatsisinnaavoq, tak. imm. 2. *Imm. 2.* Takornariartitsinermik ingerlatsinissamut akuersissummik Naalakkersuisut inunnu imaluunniit inatsisitigut pisinnaatitaasunut, §§ 7-10-mi piumasaqaatinik naammassinnittunut tunniussisinnaapput. Takornariartitsinermik ingerlatsisinnaanermut akuersissut piffissaligaasumik tunniunneqassasoq Naalakkersuisut aalajanginngippassuk, akuersissut piffissaligaanngitsumik tunniunneqassaaq.

Imm. 3. Takornarialerinermik ingerlatsisup piffissaq akuersissuteqarfiusoq tamakkerlugu §§ 7-10-mi piumasaqaatinik naammassinnissaaq. Takornarialerinermik ingerlatsisup piumasaqaatit naammassinngippagit, inatsisartut inatsisaanni § 14, imm. 1 naapertorlugu takornarialerinermik ingerlatsisoq peqquneqassaaq.

Imm. 4. Takornariartitsinermik ingerlatsisinnaanermut akuersissut allamut tunniunneqarsinnaavoq Naalakkersuisut allaganngorlugu akuersereernerisigut.

Imm. 5. Takornariartitsinermik ingerlatsisinnaanermut akuersissutit Naalakkersuisut tamanut takusassiarisinnaavaat.

Imm. 6. Takornariartitsinermik ingerlatsisinnaanermut akuersissut, takornarialerinermik ingerlatsisup takornariartitsinermik ingerlatsivimmit ataatsimit imaluunniit arlalinnit tamarmiusumik kaaviiartitai ukiumut 50.000 koruunit sinnersimangikkaluarpagilluunniit, imm. 1 apequtaatinnagu atuuppoq

§ 4. Takornariartitsinermik ingerlatsinissamut, takornarialerinermillu ingerlatsinissamutakuersissummik qinnuteqartut, inatsisartut inatsisaat naapertorlugu oqartussat ingerlatassanik, takornariartitsinermik ingerlatsinissamut akuersissutinik kiisalui taakkunannga nakkutilliinissaannut pisariaqartunik paasissutissanik tamanik tunniussissapput .

Imm. 2. Naalakkersuisut kisitsisinik paasissutissanik katersinissamik siunertaqartunik, tak. imm. 1, naapertorlugu pisortani oqartussanut allanut Namminersorlutillu Oqartussat ingerlatseqatigiiffiutaannik paasissutissanik kinaassutsinik isertuussisumik avitseqateqarsinnaapput.

Imm. 3. Naalakkersuisut takornariartitsinermik ingerlatsinermut akuersissutinik suliaqartarnerup allanut suliassanngortinneqarsinnaaneranik siunnerfeqartumik aaqquissuussineq pillugu paasissutissanik allanut tunniussaqaqtarsinnaapput, tak. imm. 1, pisortani oqartussanut imaluunniit Namminersorlutik Oqartussat ingerlatseqatigiiffiutaannut, Naalakkersuisut pisussaaffinik oqartussaaffiinillu § 6, imm. 1 naapertorlugu suliassanut akisussaaffilerneqarsimasunut.

§ 5. Kalaallit Nunaanni takornariartitsinermik ingerlatsinissamut akuersissuteqartarnermutpiumasaqaatinut, periusissanullu Naalakkersuisut ersarinnerusunik

malittarisassiorsinnaapput , matumani aamma takornarialerineramik ingerlatsisut nalunaarusiortussaaitaanerat paasissutissanillu allanik nalunaaruteqartarneq ilanngullugu.

§ 6. Naalackersuisut inatsisartut inatsisaanni matumani § 3 tunngavigalugu takornariartitsineramik ingerlatsinissamut akuersissummik tunniussarnerminut, § 13 naapertorlugu nakkutilliinissaminut, kiisalu § 14, imm. 1 naapertorlugu peqqusinissaminut kiisalu § 14, imm. 2 naapertorlugu peqqussutinik nalunaaruteqartarnerminut atatillugu takornariartitsineramik ingerlatsinissamut akuersissummik utertitsisarnerminik pisussaaffimminik, pisinnaatitaaffimminillu pisortani oqartussanut allanut, imaluunniit Namminersorlutik Oqartussat ingerlatseqatigiiffiutaannut tunniussisinnaapput.

Imm. 2. Pisortanit Oqartussat imaluunniit Namminersorlutik Oqartussat ingerlatseqatigiiffiutaat pisussaaffinnik pisinnaatitaanernillu tigusaqartut imm. 1 naapertorlugu, pisussaaffinnut pisinnaatitaanernullu taakkununga atatillugu Namminersorlutik Oqartussat ataanni pisortani ingerlatsinermi atasutut isigineqassapput.

Imm. 3. Naalackersuisut ersarinnerusunik malittarisassiorsinnaapput nakkutilliinermut kiisalu naammagittaalliorsinnaanermut, pisussaaffinnik pisinnaatitaaffinnillu oqartussanut allanut imaluunniit Namminersorlutik Oqartussalluunniit ingerlatseqatigiiffiutaannut tunniussisoqarsimatillugu.

Kapitali 3

Pisinnaatitsissummik pigisaqartut

§ 7. Takornariartitsineramik ingerlatsisinnaanermut akuersissummik taamaallaat tunniussisoqarsinnaavoq inummut:

- 1) Kalaallit Nunaanni inuit allattorsimaffianni nalunaarsugaasimasumut.
- 2) tamakkiisumik Kalaallit Nunaanni akileraartartumut0.
- 3) nammineq pigisaminut nalilinnut tamakkiisumik atuisinnaatitaasumut, akiliisinnaajunnaarsimasutullu, unitsitsiniartutullu suliamik ingerlatsiviunngitsumut

§ 8. Takornariartitsineramik ingerlatsisinnaanermut akuersissummik taamaallaat tunniussisoqarsinnaavoq inummut inatsisitigut pisinnaatitaasumut:

- 1) ingerlatseqatigiiffik aningaasaliissuteqarnikkut ingerlatseqatigiiffiuppat imaluunniit suliffeqarfiuppat inuit nammineq pigisaat Kalaallit Nunaannilu angerlarsimaffeqarluni.
- 2) akiliisinnaajunnaarsimasutut, unitsitsiniartutullu suliamik ingerlatsiviunngitsumut
- 3) ingerlatseqatigiiffimmi aningaasaliissutit affaanit amerlanerusut toqqaannartumik toqqaannangitsumilluunniit inunnit § 7-imi nr. 1-3-mi piumasaqaataasunik naammassinnittunit pigineqarpata.
- 4) Aningaasaliissuteqarnikkut ingerlatseqatigiiffimmi taasisinnaatitaasut affaanit amerlanerusut toqqaannartumik toqqaannangitsumilluunniit inunnit § 7-imi nr. 1-3-mi piumasaqaataasunik naammassinnittunit taasisinnaatitaappata.

5) Ingerlatseqatigimmi inuit piginnittut affaanit amerlanerusut § 7-imi nr. 1-3-mi piumasagaataasunik naammassinnippata

Kapitali 4

Sillimaniarnermut pilersaarusat

§ 9. Takornariatitsinermik ingerlatsinissamik akuersissummik qinnuteqartut, kiffartuussinernut inatsisartut inatsisaanni matumani pineqartunik qinnuteqartup neqeroorutigissallugit eqqarsaatigisaanut sillimaniarnermut pilersaarusiaq immersorsimassavaat

Imm. 2. Sillimaniarnermut pilersaarut kalaallisut aamma tuluttut takornarissanit sukkulluunniit takuneqarsinnaassaaq .

Imm. 3. Sillimaniarnermut pilersaarut katitsigaassaaq nalorninaatinik nalilersuinernik aamma sillimanissamut pilersaarusanik, nutartigaasimasassallunilu.

Imm. 4. Inatsisartut inatsisaat manna naapertorlugu ingerlatanut atatillugu nalorninarsinnaasut pingaarnerpaat pillugit nalorninaatinik nalilersuineq takornarissanut ersarissumik, annertuumillu paasissutissiinnaassaaq. Ingerlatsinernik piareersaasiorluni aaqquussuussinerni nalorninaataasinnaasunik nalilersuineq sulisorisassanik toqqaasarnermi tunngavigineqartassaaq, matumani aamma angalanerup ingerlanneqalernerani siulersuisussanik, avatangiisini pissutsit nalilersorumallugit, atortussanik toqqaasarnerit il.il. aamma nalilersorumallugit.

Imm. 5. Sillimaniarnermut pilersaarut ingerlatassanik tunngaveqartuussaaq, makkuninngalu imaqaassalluni:

- 1) allaaserinninneq iliuusaajumaartunik pissutsit ulorianarsilluinnassagalarpata imaluunniit ajutoortoqaralarpat,
- 2) paasissutissat ilisimariigassanut, misilittakkanut aamma piginnaanernut tunngasunik sulisuusuni ingerlatsinerni peqataasuni, aamma
- 3) qanoq qinnuteqartumi sulisuusut qisuariatassanersut ulorianartoqalernerani, matumanissaaq attaveqatigiinnikkut.

Imm. 6. Imm. 1-5-mi aalajangersakkat atuutinngillat pissutsini allatigut inatsisinik atuuttunik tunngaveqarfiusuni imaluunniit periaatsini sillimaniarnermi piumasagaatinik aqutsiviusuni, ingerlatsinermut attuumassuteqartunik, qinnuteqartup malissallugit pisussaaffigisaani.

Kapitali 5

Sillimasiinerit matussusiissat aamma allatigut sillimasiissutit

§ 10. Takornariartitsinermik ingerlatsineq Inatsisartut inatsisaannik matuminnga tunngaveqartoq akisussaaffiit pillugit inuussutissarsiummut atatillugu sillimmasiissuteqarsimassaaq imaluunniit allatigut qularnaveeqqusiisimassalluni.

Imm. 2. Imm. 1 atuutinngilaq pisuni inuussutissarsiummut atatillugu sillimmasiiffiusinnaanngitsunut, takornariartitsinermik ingerlatsiviusumut pineqartumut matussusiisussamik, imaluunniit allatigut sillimmasiisinaanerup periarfissaaffiginngisaani.

Imm. 3. Naalackersuisut ersarinnerusunik malittarisassiorsinnaapput sillimasiissutaasut matussutissaannut piumasaqaatinik aammalu imm. 1 naapertorlugu qularnaveeqqusiisarnernut atatillugu.

Kapitali 6

Immikkut akuersissuteqarneq

§ 11. Immikkut ittumik pisoqartillugu Naalackersuisut §§ 7-10-mi piumasaqaataasunit aamma inatsisartut inatsisaanni matumani § 3, imm. 4, § 5, § 6, imm. 3, § 10, imm. 3 aamma § 15 naapertorlugit aalajangersagaasunut immikkut akuersissuteqarsinnaapput.

Kapitali 7

Akitsuitit

§ 12. Takornariartitsinermik ingerlatsinissamut akuersissummik qinnuteqartut, tak. § 3, imm. 2, kiisalu takornarialerinermik ingerlatsisut, suliap sularineqarnerani aningaasartuutitut Naalackersuisut akiliuteqartissinnaavaat,.

Imm. 2. Naalackersuisut ersarinnerusunik malittarisassiorsinnaapput akitsuusiisarnernut, imm. 1 naapertorlugu.

Kapitali 8

Nakkutilliineq, peqqussut aamma takornariartitsinermik ingerlatsinermut licensip utertinneqarnera

§ 13. Naalackersuisut nakkutilliisuupput takornariartitsinermik ingerlatsisut Inatsisartut inatsisaannik malinninnerat pillugu, malittarisassat Inatsisartut inatsisaannik tunngavilimmik.

§ 14. Naalackersuisut takornarialerinermik ingerlatsisunut il.il. peqqussuteqarsinnaapput Inatsisartut inatsisaannik, malittarisassanik Inatsisartut inatsisaannik tunngavilinnik akuersissutinillu atuuttunik malinninnissamik.

Imm. 2. Naalackersuisut Inatsisartut inatsisaat manna naapertorlugu akuersissummik utertitsinnaapput, takornariartitsinermik ingerlatsisup Inatsisartut inatsisaat naapertorlugu peqqussutaasut naammassinngippagit.

Kapitali 9

Zone-nut agguaaneq il.il. inuussutissarsiutinik ingerlatsinernut aamma sumiiffiit ilaannut killeqartumik isersinnaatitaaneq

§ 15. Naalackersuisut malittarisassiorsinnaapput ersarinnerusunik sumiiffiit ilaannut killeqartumik angalaarsinnaaneq pillugu, aamma inuussutissarsiutinik ingerlatsineq taamaallaat ingerlanneqartarsinnaasoq sumiiffinni aalajangersimasuni piffissami immikkut aalajangersagaasuni imaluunniit maleruagassat immikkut aalajangersagaasut naapertorlugit.

Kapitali 10

Kinguneqartitsisarnerit

§ 16. Kalaallit Nunaanni pinerluttulerinermi inatsit naapertorlugu akiliisitsissuteqarnermik pineqaatissiisoqarsinnaavoq pineqartumut piaaraluni imaluunniit mianersuvaalliorujussuarluni:

- 1) takornariartitsinermik ingerlatsisumut § 3, imm. 2 naapertorlugu takornariartitsinermik ingerlatsinissamut atuuttumik akuersissuteqarani.
- 2) takornariartitsinermik ingerlatsinissamut akuersissummut atugassarititaasunik Inatsisartut inatsisaat naapertorlugu aalajangersarneqartunik unioqqutitsisumut, imaluunniit malittarisassanik Inatsisartut inatsisaat naapertorlugu aalajangersagaasunik unioqqutitsisumut.
- 3) Eqqunngitsunik imaluunniit paatsoortitsiniutaasunik paasissutissiisumut imaluunniit paasissutissanik nipangiussisumut oqartussanit il.il. piumasarineqartunik, § 4, imm. 1 naapertorlugit.
- 4) Peqqussutaasunik § 14, imm. 1, naapertorlugu tunniunneqartunik malinninngitsumut.

Imm. 2. Inatsisartut inatsisaata imaluunniit malittarisassat Inatsisartut inatsisaannik tunngaveqartut akiliisitsisoqarnissaanik aalajangersaasimappata, akiliisitsissutissaq inatsisit naapertorlugu inummut tutsinneqarsinnaapput Kalaallit Nunaanni pinerluttulerinernut inatsimmik tunngaveqartumik.

Imm. 3. Peqqussutini atortuutinneqartuni tunngavigalugit § 5, § 10, imm. 3 aamma § 15 -imi aalajangersaasoqarsinnaavoq pineqaatissiisutissanik Kalaallit Nunaanni pinerluttulerinermik inatsimmi malittarisassat naapertorlugit.

Imm. 4. Inatsisartut inatsisaannik imaluunniit malittarisassanik Inatsisartut inatsisaannik tunngaveqartunik unioqqutitsinikkut arsaarinnittoqarsinnaavoq nunatta karsianut tutsinneqartussanik Kalaallit Nunaanni Pinerluttulerinermut inatsimmi malittarisassat naapertorlugit. Arsaarinnissutaasut nunatta karsianut iluaqutissanngortinneqassapput.

Imm. 5. Akiliisitsissutit pineqaatissiissutigineqartut Inatsisartut inatsisaannik, imaluunniit malittarisassanik Inatsisartut inatsisaannik tunngaveqartunik nunatta karsianut akilerneqassapput.

Kapitali 11

Eqqartuussivinni misiliineq

§ 17. Inatsisartut inatsisaannik tunngaveqartunik aalajangiineq eqqartuussivinnut suliassanngortinneqarsinnaavoq piffissaliussap qaammatinik 6-inik sivisussusillip iluani, aalajangiineq illuatungiusumut pineqartumut nalunaarutigineqareeraangat.

Imm. 2. Suliat Inatsisartut inatsisaannut uunga tunngasut Kalaallit Nunaanni eqqartuussivimmut suliassanngortitsivittut siullertut suliaritinneqartassapput.

Imm. 3. Aalajangiinermik eqqartuussivinnut suliassanngortitsineq aalajangernermik ingerlaannaq atortuulersitsinngilaq, Naalakkersuisut allatut aalajanginngippata.

Kapitali 12

Atortuulersitsineq aamma piffissamut ikaarsaariarfiusumut aalajangersakkat

§ 18. Inatsisartut inatsisaat atortuulerpoq ulloq 1. januar 2025.

Imm. 2. Inatsisartut inatsisaat atortuutinneqassanngilaq 1. januar 2027 angullugu takornariartitsinernik ingerlatsinernut inatsisinik unioqqutitsinerunngitsunik Inatsisartut inatsisaata atortuulernera sioqullugu ingerlanneqartunut.

Namminersorlutik Oqartussat, ulloq xx. xxx 2024

Naalakkersuisut Siulittaasuat